

Na osnovu člana 48. stav (5) Zakona o državnoj službi u Tuzlanskom kantonu („Službene novine TK“, broj: 7/17, 10/17, 10/18, 14/18 i 8/21), člana 34. Zakona o radu („Sl. novine FBiH“, broj: 26/16 i 89/18) nakon provedenog postupka za prijem lica na stručno osposobljavanje bez zasnivanja radnog odnosa u službe za upravu i stručne službe Grada Tuzle, po Odluci o raspisivanju Javnog poziva za prijem lica na stručno osposobljavanje bez zasnivanja radnog odnosa u službe za upravu i stručne službe Grada Tuzle, broj: 02-30-A-2274-2022 od 10.02.2022. godine, a u skladu Izvještajem o radu Komisije za provođenje Javnog poziva od 21.03.2022. godine, te utvrđenom Konačnom rang listom kandidata koji ispunjavaju uslove iz Javnog poziva za prijem lica na stručno osposobljavanje bez zasnivanja radnog odnosa u službe za upravu i stručne službe Grada Tuzle, Gradonačelnik donosi

## O D L U K U

### o prijemu lica na stručno osposobljavanje bez zasnivanja radnog odnosa u službe za upravu i stručne službe Grada Tuzle

#### Član 1

Ovom odlukom, a na osnovu kriterija i procedura prijema lica na stručno osposobljavanje bez zasnivanja radnog odnosa utvrđenih i propisanih Odlukom o raspisivanju Javnog poziva za prijem lica na stručno osposobljavanje bez zasnivanja radnog odnosa u službe za upravu i stručne službe Grada Tuzle, broj: 02-30-A-2274-2022 od 10.02.2022. godine, prima se na stručno osposobljavanje bez zasnivanja radnog odnosa u službe za upravu i stručne službe Grada Tuzle **12 (dvanaest) kandidata** koji se nalaze na Konačnoj rang-listi kandidata koji ispunjavaju uslove iz Javnog poziva za prijem lica na stručno osposobljavanje bez zasnivanja radnog odnosa u službe za upravu i stručne službe Grada Tuzle i to kako slijedi:

Lica sa VSS/VII stepenom stručne spreme ili visokim obrazovanjem prvog, drugog ili trećeg ciklusa Bolonjskog sistema studiranja koji se vrednuje sa najmanje 180 ECTS bodova - pravne ili upravne struke :

1. Isanović Admir,
2. Daić Haris,
3. Džafić Alisa,
4. Džambić Asja,
5. Majkić Duško.

Lica sa VSS/VII stepenom stručne spreme ili visokim obrazovanjem prvog, drugog ili trećeg ciklusa Bolonjskog sistema studiranja koji se vrednuje sa najmanje 180 ECTS bodova – ekonomske struke :

1. Franjić Antonela,
2. Sarajlić Amela,
3. Matanović Sanja,
4. Kavazović Azra.

Lice sa VSS/VII stepenom stručne spreme ili visokim obrazovanjem prvog, drugog ili trećeg ciklusa Bolonjskog sistema studiranja koji se vrednuje sa najmanje 180 ECTS bodova – saobraćajne struke (drumski saobraćaj) :

1. Rastoder Aldin.

Lice sa VSS/VII stepenom stručne spreme ili visokim obrazovanjem prvog, drugog ili trećeg ciklusa Bolonjskog sistema studiranja koji se vrednuje sa najmanje 180 ECTS bodova – agronomske struke :

1. Razić Emina

Lice sa VSS/VII stepenom stručne spreme ili visokim obrazovanjem prvog, drugog ili trećeg ciklusa Bolonjskog sistema studiranja koji se vrednuje sa najmanje 180 ECTS bodova – filološke struke (anglistika):

1. Trišić Bojana.

## Član 2

Prijem lica na stručno osposobljavanje bez zasnivanja radnog odnosa vrši se na određeno vrijeme u trajanju najduže do 12 mjeseci.

Ukoliko se utvrdi da primljeni kandidat bude imao, odnosno stekao radno iskustvo kod drugih pravnih subjekata, a kraće od 12 mjeseci ugovor o stručnom osposobljavanju bez zasnivanja radnog odnosa će biti zaključen na period koji nedostaje do navršavanja 12 mjeseci radnog iskustva kandidata. U tom slučaju primljeni kandidat dužan je prije zaključivanja Ugovora dostaviti dokaz o dužini trajanja prethodno stečenog radnog iskustva nakon sticanja diplome visokog obrazovanja - VII stepena stručne spreme, odnosno namjanje I ciklusa studija po Bolonjskom sistemu studiranja.

## Član 3

Međusobna prava i obaveze između Grada Tuzle i lica na stručnom osposobljavanju bez zasnivanja radnog odnosa regulisat će se posebnim ugovorom o stručnom osposobljavanju u skladu sa odredbama Zakona o radu („Sl. novine FBiH“, broj: 26/16 i 89/18).

## Član 4

Svi primljeni kandidati dužni su u roku od dva dana od dana objavljivanja ove odluke na oglasnoj tabli Grada Tuzle i na službenoj web stranici Grada Tuzle obavijestiti Stručnu službu za poslove gradonačelnika, primarno putem maila na obje mail adrese : majah@tuzla.ba i grgam@tuzla.ba, ili putem telefona : 035/307-417; 035/307-416, da će pristupiti potpisivanju Ugovora, u protivnom smatrat će se da primljeni kandidat odustaje od potpisivanja Ugovora.

## Član 5

Odluka stupa na snagu danom donošenja i bit će objavljenja na oglasnoj tabli Grada Tuzle i na službenoj web stranici Grada Tuzle.

**Bosna i Hercegovina**  
**Federacija Bosne i Hercegovine**  
**Tuzlanski kanton**  
**GRAD TUZLA**  
**GRADONAČELNIK**  
**Broj: 02/30-A-2274/3-2022**  
**Tuzla, 21.03.2022. godine**

**GRADONAČELNIK**  
  
**Jasmin Imamović, dipl. pravnik**

## **O b r a z l o ž e n j e**

Na osnovu Odluke o raspisivanju Javnog poziva za prijem lica na stručno osposobljavanje bez zasnivanja radnog odnosa u službe za upravu i stručne službe Grada Tuzle, broj: 02-30-A-2274-2022 od 10.02.2022. godine, Grad Tuzla je 11.02.2022. godine na službenoj internet stranici Grada objavio Javni poziv za prijem lica na stručno osposobljavanje bez zasnivanja radnog odnosa u službe za upravu i stručne službe Grada Tuzle i to za osposobljavanje za samostalan rad 4 (četiri) lica pravne ili upravne struke, 3 (tri) lica ekonomske struke, 1 (jedno) lice saobraćajne struke (drumski saobraćaj), 1 (jedno) lice agronomske struke i 1 (jedno) lice filološke struke (anglistika).

Rješenjem Gradonačelnika, broj: 02-30-A-2274/1-2022 od 07.03.2022. godine formirana je Komisija za provođenje Javnog poziva za prijem lica na stručno osposobljavanje bez zasnivanja radnog odnosa u službe za upravu i stručne službe Grada Tuzle čiji je zadatak bio da provede postupak prijema lica na stručno osposobljavanje bez zasnivanja radnog odnosa u službe za upravu i stručne službe Grada Tuzle po Javnom pozivu za prijem lica na stručno osposobljavanje bez zasnivanja radnog odnosa u službe za upravu i stručne službe Grada Tuzle na način utvrđen Odlukom o raspisivanju Javnog poziva za prijem lica na stručno osposobljavanje bez zasnivanja radnog odnosa u službe za upravu i stručne službe Grada Tuzle.

Nakon provedenog postupka izbora kandidata prijavljenih na Javni poziv koji je u skladu sa uslovima i kriterijima propisanim Odlukom o raspisivanju Javnog poziva podrazumijevao bodovanje i intervju sa kandidatima, te razmatranje prigovora na sastavljenu Rang listu kandidata koji ispunjavaju uslove iz Javnog poziva, Komisija je sačinila Konačnu rang-listu kandidata koji ispunjavaju uslove iz Javnog poziva i uz Izvještaj o provedenoj proceduri Javnog poziva dostavila Gradonačelniku na odlučivanje.

Uvidom u Izvještaj o provedenoj proceduri Javnog poziva utvrđeno je da je Komisija na Konačnu rang-listu kandidata koji ispunjavaju uslove iz Javnog poziva iz reda pravne ili upravne struke uvrstila 5 (pet) kandidata, iz reda ekonomske struke 4 (četiri) kandidata, iz reda saobraćajne struke (drumski saobraćaj) 1 (jednog) kandidata, iz reda agronomske struke 1 (jednog) kandidata i iz reda filološke struke (anglistika) 1 (jednog) kandidata, ukupno 12 (dvanaest) kandidata.

Kako je Javni poziv bio rapisan za prijem 10 (deset) lica na stručno osposobljavanje bez zasnivanja radnog odnosa, a imajući u vidu činjenicu da je od Službe za budžet i finansije pribavljena informacija da u Budžetu Grada za 2022 godinu postoje raspoloživa sredstava predviđena za ovu namjenu, koja pokrivaju troškove angažmana 12 (dvanaest) lica na stručnom osposobljavanju, Komisija je u svome Izvještaju predložila da se na stručno osposobljavanje bez zasnivanja radnog odnosa prime svi kandidati koji se nalaze na Konačnoj Rang listi - 12 (dvanaest) kandidata.

Slijedom navedenog Gradonačelnik je prihvatio prijedlog Komisije i u skladu sa članom 3. stav (4) Odluke o raspisivanju Javnog poziva za prijem lica na stručno osposobljavanje bez zasnivanja radnog odnosa u službe za upravu i stručne službe Grada Tuzle, broj: 02-30-A-2274-2022 od 10.02.2022. godine donio ovakvu odluku.

Tuzla, mart 2022. godine.

GRADONAČELNIK